



Uskedalen skule - blir han opprusta for 13,2,24,6 eller 36 millionar ? (Foto: Ola Matti Mathisen)

**Må skulen i Uskedalen rustast opp for 13,2, 24,6 eller 36 millionar? Dette er dei tre alternativa.**

**Hvis halvparten av elevane ved Bringedalsbygda skule skal overførast hit, vil skulen måtte rustast opp for 24,6 millionar. pluss trafikksikring for 5 millionar i Bringedalsbygda.**

**Hvis derimot alle Bringedalselevane flyttast hit kostar det 36 millionar, pluss dei sju busslommane med skur for 5 millionar.**

**Uansett må skulen her i bygda rustast opp for 13,2 millionar.**

**Desse tala er henta frå rådmannen si innstilling til formannskapet for gjennomføring av endringane i skulestrukturen. Innstillinga skal handsamast på Husnes til veka.**

Utbygging og opprusting av Undarheim skule ved overflytting av heile Bringdalsbygda-skule dit pluss ny idrettshall, busslommar og utbetring av basseng vil kosta 117 millionar. Opprustinga aleine kjem på 62 millionar. I tillegg kjem turvande vøling av Uskedalen skule på 13,2 millionar som må gjennomførast uansett slik at investeringskostnadane ved dette alternativet blir 130,2 millionar. Undarheim skule bør stå ferdig i slutten av 2013 og idrettshallen året etter.

Ved overflytting av halve Bringedalsbygda til Husnes-skulen blir rekninga på 112 millionar.

Hvis ein vil behalda Bringedalsbygda kostar det 17,5 millionar i opprusting medan det altså vil kosta 13,2 millionar å rusta opp Uskedalen. Ved Undarheim blir det naudsynt å satsa 112 millionar ved dette alternativet.

Totalskilnaden ved dei tre alternativa blir med andre ord ikkje så stor:

Bringedalsbygda og Skarveland kan tidlegast bli nedlagde i 2013 og det er kor elevane ved Bringedalsbygda vel å gå som avgjer tidspunktet.

Av Ola Matti Mathisen